

qui præcedente nocte vigilassent, & balneo usi essent Equites creasse, singulis tunicas virides ad talos demissas cum manicis strictis, & *Mineveria* pellitas donasse, eosque gestasse ad humerum sinistrum duplicem funiculum ex albo serico cum

* Tassell. * torulis dependentibus. Hi superiori seculo ex flore nobilitatis qui nondum gradum equestrem acceperant, seligi in Regum & Reginarum inauguratione, nuptiis, aliquando etiam cum eorum filii in Principes Walliæ vel Duces investirentur, aut Militari baltheo cingerentur, plurimis adhibitis cæremoniis, quæ jam maximam partem exoluerunt, creari solebant. Nostri autem temporibus qui ad hunc ordinem suscipiendum à Rege evocantur, (nec hanc rem exquisitè persequar) pridie quam creantur, heremiticam vestem cineritiam cum cucullo, pileolo lineo & ocreas induti sacra devoti accedunt, ut militiam suam quasi Deo inprimis militaturi auspiciuntur: una cœnant, singulisque ministrant duo Armigeri, & puer affecla. A cœna in cubiculum se recipiunt, ubi paratur singulis lectulus cum velariis rubris, Armisque suis gentilitiis affixis & juxta vas balneatorium linteis opertum, in quo cum se Deo commendaverint se abluunt, ut deinceps corpore, animoque mundo esse admoneantur. Postridie bene mane instrumentorum Musicorum sono excitantur, easdemque vestes induunt. Tunc Angliæ Constabularius, Marecallus, & alii quos Rex constituit eos accedunt, nominationis suo ordine evocant, & iuramentum proponunt, scilicet, ut Deum ante omnia colant, Ecclesiam defendant, Regem honorent, ejus jura propugnent, viduas, virgines, orphanos tueantur, & injuriam quantum poterunt, propulsent. Hæc cum tactis Evangeliiis juraverint, ad sacramatutina Regiis musicis, & Heraldis præeuntibus deducuntur, atque ab iisdem in cubacula reducuntur, ubi heremiticas vestes exuti, chlamydem holosericam rutilo Martis fulgore relucens, & galerum candidum candidis plumis super pileum lineum induunt, chirothecas candidas funiculo chlamydis colligant. Equos sella & ephippiis scorteis nigris albo interstinctis, & cruce fronti præfixa instructos conscendunt. Ante singulos suos affecla eques gestat gladium capulo inaurato, ad quem dependent aurata calcaria, utrinque Armigeri obequitant. Hac pompa tubis ante clangentibus ad Aulam Regiam itur, ubi cum ad Regis præsentiam à duobus senioribus Militibus deducuntur; Regis Camerario affecla balteum cum gladio dependenti tradit, ille summa cum reverentia Regi, qui *Militem* transversim eo cingit, jubetque duos seniores equites calcaria imponere, qui olim creandi militis genua bene precantes exosculari soliti. Iamque *Milites* creati, olim regiæ mensæ fercula inferebant, inde omnes una prandent, ad idem mensæ latus assidentes sub suo cujusque Clypeo gentilitio affixo. Ad preces vespertinas sacellum adeunt, gladios ad altare offerunt, datoque pretio redimunt. Redeuntes vero primarius regis Coquus offenso cultro, ut se probos & fideles præstent Milites, admonet, alioquin se calcaria ignominiose abscissurum. Die autem Coronationis in pompa suo loco Regem comi-

tantur gladio accincti, calcaribus induti, Chlamyde carulea, Iovis scilicet æqui colore amicti, & nodo ex albo serico in formam crucis efformato cum capitis ad humerum sinistrum. Sed de his quæ figillatim persequi non institui, hæc satis superque videantur.

Nunc de Militibus illis qui simpliciter sine ulla adjectione * *Knights* appellantur, & licet ordine postremi, institutione tamen sunt primi & antiquissimi. Ut enim Romani gens togata virilem ætatem ingredientibus virilem & puram togam donaverunt: ita majores nostri Germani suis juvenibus quos armis tractandis idoneos judicaverunt, arma donaverunt. Quod suis verbis docebit Cornelius Tacitus. *Arma sumere non ante cuiquam moris, quam civitas suffecturum probaverit. Tum in ipso concilio vel principum aliquis, vel pater, vel propinquus scuto frameaque juvenem ornant. Hæc apud illos toga, hic primus juvenis honor: ante hoc domus pars videntur, mox Reipublicæ.*

Cum autem hujusmodi juvenes militares sua lingua, ut nos nostra, *Knechts* vocarint, hinc & nominis, & institutionis originem repetendam censeo. Hæc prima & simplicissima creandi Militis ratio, hæc Longobardi, hæc Franci, hæc nostri, qui omnes à Germania profecti, olim usi sunt. Prodit Paulus Diaconus apud Longobardos, *consuetudo est ut regis filius cum patre non prandeat nisi prius a rege gentis exteræ arma suscipiat.* Memorant Francorum Annales Reges Francorum filiis suis, & aliis arma donasse, gladioque cinxisse, atque teste Malmesburienfi, Ælfredus noster Æthelstanum nepotem magnæ spei puerum Militem fecit donatum chlamyde coccinea, gemmato baltheo, ense Saxonico cum vagina aurea. Postea cum religio ita animos hominum occupasset, ut nihil bene & auspicate factum, quod à viris religiosis non profectum censerent, ab illis gladium majores nostri paulo ante Normannorum adventum acceperunt. Quod his verbis, qui tum vixit, ostendit Ingulphus. *Qui militia legitime consecrandus esset, vespere præcedente, ad Episcopum, Abbatem, Monachum, vel sacerdotem contritus de peccatis confessionem faceret, & absolutus orationibus deditus in ecclesia pernoctaret, in crastinum rem sacram auditurus, gladium super altare offerret, & post Evangelium sacerdos benedictum gladium Militis collo cum benedictione imponderet, & communicatus sacris Christi mysteriis denuo legitimus miles permaneret.* Nec statim sub Normannis exolevit, scribit enim in Polycratio Ioannes Sarisburienfis. *Inolevit consuetudo solennis, ut ea ipsa die, qua quisque militari cingulo decoratur, ecclesiam solemniter adeat, gladioque super altare posito, & oblato, quasi celebri professione facta, seipsum obsequio altaris devoveat, & gladii, id est, officii sui jugem domino spondeat famulatum.* Petrus etiam Blesensis. *Hodie tyrones enses suos recipiunt de altari, ut profiteantur se filios ecclesiæ, atque ad honorem sacerdotii, ad tuitionem pauperum, ad vindictam malefactorum, & patriæ liberationem gladium accepisse: Porro res in contrarium versa est, nam ex quo hodie militari cingulo decorantur, statim insurgunt in Christos Domini, & deserviunt in patrimonium Crucifixi.* Atque hoc quod gladio cingi voluerunt, deductum proculdubio à militari Romanorum disciplina videatur, quia ut illi priusquam sacramento militari gladio stricto obligati fuerant, pugnare cum

* *Knights.**De moribus Germanorum.**Lib. 1. C. 22.**Epist. 94.**Cicero lib. 1. Offic. de Catois filio.*